



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 12. Pax confidentium in Deo, est prorsus inviolabilis.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

Qui confidunt in Deo, Sanctissimæ
voluntati se in omnibus
conformant.

Tertius fons vera pax.

§. XII.

Pax Confidentium in Deo est profus
inviolabilis.

Qui confidunt in Domino, validiore
firmamento & securiore circumvallati
sunt præsidio quàm mons Sion; hic enim
quamvis montes in circuitu ejus, dissolventur
aliquando & eradetur è terra ut ceteri; isti
verò qui fiduciam suam divino in Numine
defixam habent, non commovebuntur in æ-
ternum. Hi sunt qui perfruuntur impertur-
babili animi pace, quam Seneca sæpe appel-
lat altam securitatem, quæ securitas non re-
lucet duntaxat in fronte aut emicat in labiis,
sed in corde ipso sedem fixit innixam Deo
qui istuc residet. In his verè completur quod
precatus olim est David Nabali cum ad eum
suo nomine salutandum mitteret nuntios his
verbis: *Sit fratribus meis & tibi pax & domui
tua pax & omnibus, quacunque habes, sit pax.*
1. Reg. 25. Audent hujusmodi provocare in
se

secæris tempestates, pruinas, imbres, nives, grandinem, & ventorum furias: omnibus creaturarum injuriis superiores sunt, quia secuto fiduciæ in Deum proteguntur: nec vicissitudines timent temporum, nec rerum commutationes, licet sibi periculosas, licet nec obliviscantur prudentiæ nec industriæ qua pollent, à Deo donatæ ut se malis imminenti- bus eripiant, si possint; nihilo tamen minus conturbantur, quia omnes rerum eventus divinæ providentiæ securi committunt, ut disponat ac ordinet pro beneplacito suo, imò eligerent potius cuncta perdere, quam voluntatem suam non conformare divinæ etiam in re minimâ. S. Gertrudis quædam vice prolapsa fuerat in foveam, sed illæsa continuò erexit se in pedes singulari cum gaudio propterea quod diceret, æstimassem me felicem si hic me casus sponso meo junxisset; cumque non nemo ex adstantibus quæreret: nonne doluisses si absque Sacramento Ecclesiæ perceptione decessisses; immò verò, respondit illa, summè doluisssem si vel in minimo voluntatem meam divinæ non conformassem. Et certè quid juvat vel præteritorum amara recordatio, vel sollicita futurorum formido? nam quidquid demum facias, nolens volens id velle debes, quod
Deus

Deus voluerit Quis poterit ejus resistere voluntati ? Quis statutum ab ejus providentia ordinem immutare ? Res insensatae & pessimae quaevis obediunt imperio ejus : ignis, grando, nix, glacies, spiritus procellarum faciunt verbuni ejus. Angeli boni & mali sunt ministri mandatorum ejus & executores justitiae, faciunt nihil, nisi quod ipse voluerit. morbi & mortalitates, bella, fames, inundationes aquarum & incendia, fulmina & tempestates ei ad nutum parent; *vocata dicuntur ad sumus*, & dimittit ea quocunque libuerit, nec aberrat unquam ab eo quae statuit ferire, & sicut ictus ejus sunt indeclinabiles, ita quoque protectio ejus est inexpugnabilis omnibus creatis viribus. Unde S. Jacobus eremicola daemone, a quo vexabatur, intrepidus dicebat : percutite maligne spiritus, percutite quantum potes, si tibi Deus permisit; nam si non permisit, non te timeo, disfrumparis licet praerabie, tuas minas flocci facio.

